

# ЭКЛЦ ПАРТОРГАНИЗАЦСИН КӨДЛМШТ ТОДРХА ГАРДВР БОЛН ДӨНЪ КЕРГТЭ

Балгьсна эклц партийн организацсар болон тооцана болн суньгьврн хургуд сэн бүрдэмдэжтэгьгар кегдэд, теднэ кэдлмштнх коммунистнр шунлттагьгар орлцв. Партийн хургудт цуг коммунистнрин 82,5 процентнх орлцв. Эклц партийн организацсин сеглэтрмүдин докладар хургт орлцен коммунистнрин өрэлнх босдж үг келцхэв.

Кесг партийн организацет, партийн дотр-дундин болн олд дунд кегддг цэялгьврн кэдлмш зөвэр саянэр яеринх тооцан болн суньгьвр үзүлджэв. Ийм партийн организацет «Страна Советов» колхозин, (сеглэтрнх үр Лысенко П. М.), Ленинэ нертэ колхозин (сеглэтрнх үр Гладков Н. К.), яеврин заводин (сеглэтрнх үр Карнаухов) организацет нерэддж болхмн.

Улгүрлхд, «Страна Советов» колхозин эклц партийн организац, ик организацетин негнх. Энүнд 42 коммунистнр, партийн 4 баг баянэ. Коммунистнрин 90 процентнх шиплнх таранэ болн малин халхд кэдлнэ.

Эклц партийн организац бүрдэмдэжин болн цэялгьврн кэдлмш өдр болгын кедж, бригадсар күч-көлснэ дисциплинги батлад, селанэ эдл-ахун эдл-уш икэр гаргэдж авх болдж авсн социалистическ даалгьвран күцэхин төлэ зүткв. Эн тоотнх колхозин делгэртд сэн аш өгв. 1958

джил, эдл-аху, намрин таранэ цагьган буудя, нег гектараснх 13,9 центнер (8,5 центнерин ормд), эрди-шишэн буудя 34 центнер гектараснх авб, ноос хулдгьган 106 процентд, буудя хуралгьган 124 процентд күцэв.

Ленинэ нертэ колхозин партийн организац кэдлмшэн зөвэр саянэр яерулв. Эн колхоз селанэ эдл-ахун цуг кэдлмшэн төгсөкэд, Алдр Октябрин 41-ч джилн өөнлэ государетвд орулдж өгх тоот эдл-ушан кевтнх өгв.

Болв, партийн кэдлмшин йовудн-тату организацет ода бийнх баянэ. «Победа» колхозин (сеглэтрнх үр Мукаев), «Буратинский» совхозин (сеглэтрнх үр Хулхачинов) партийн организацет, правленэ болн совхозин администрацин эдл-ахун үүлдврт йир сулар партийн шиндэжт өгнэ. Тегэд чигн «Буратинский» совхозд эн джил малин гарунх ик. Совхоз 545 мингьгн арелнх мөнггнэ гарута ода баянэ.

Зэрм эклц партийн организацетар партийн хургуд цаглагьган болхш, Тооцана кемд республикин Госплана, статуправленя, культурин министрествин, «Калмыкстрой» трестин болн нанх чигн кесг организацетар партийн хург йир ховр болдж баядж. Зэрм организацетин сеглэтрмүд (респотребсоюз н. ч.) кэдлмшчнр дунд цэялгьврн кэдлмш

татугьгар кегдэд, кэдлэчнр медрлан бөдлүлдж, кэдлмшэн яерулхд онг өгхш.

Зэрм учрежденьсин аппаратсин кэдлмштнх ик хаджгьгар баяхнх, күч-көлсчнрин герчлгьгнд болн эрлгьнд онгган татугьгар өгдг йовдл харгьдгнх шалгьлт үзүлв. Келхд, респотребсоюзин зэрм кэдлэчнр (үүрмүд Овшинов болн Унков) ик удандан күч-көлсчнрин эрлгь халэдж, хэрү өглгө баясн йовдл харгьгна. Ийм йовдл балгьсна күцэгч комитетин зэрм отделмүдэр бас гарна.

Тооцана болн суньгьврн кесг партийн хургуд КПСС-н балгьсна комитетин болн энүнэ отделмүдин хайгар коммунистнр шалгьлт кев. КПСС-н балгьсна комитетин кэдлэчнр эклц партийн организацетур йир хатэрэр ирад, теднэ кэдлмштнх тодрха дөнх эс өгдгнх заагдв.

Эклц партийн организацетин сеглэтрмүдлэ семинар багьгар кегдэжэв. Кегдсн зэрм семинаренх сулар бөлдгэд, теоретическ болн практическ медрл соньсачнрт өгсн уга.

Тооцана болн суньгьврн партийн хургудт коммунистнрин заагдж келсэр, өгсн селвгэр КПСС-н балгьсна комитетин бюро күүндвр кедж, тедниг күцэх төр темдгэв.

**И. МАСЛОВ,**

**КПСС-н балгьсна комитетин  
инструктор.**